

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus II. Quotuplex sit conscientia?

---

[urn:nbn:de:hbz:466:1-74152](#)

deducta ex illo principio, quod leges positivæ cum gravi incommodo ordinariè non ligent. Minorem format vel scientia experimentalis, vel medica, vel fides humana, quæ quis assernit medico periculum affirmanti; conclusionem tandem & conscientiam format prudentia.

11. Deduces sexto: In dijudicanda formalis honestate, aut malitia operationum non tam esse attendendum ad conditions actuum prout sunt à parte rei independenter à conscientia operantis, quam prout per conscientię dictamen exhiben-

tur: cùm enim impossibile foret, ut non regula remota Divinæ & aeternæ legis in plurimis occurrentis esset à nobis invincibiliter ignorata, ideo dictamen propriae conscientię, quod à nineno ignoratur, pro regula proxima immediata ordinatum fuit, ut per illam lex Divina & aeterna applicaretur, & quid legi conforme vel disforme esset, indicaretur. Unde in operatione nonquam potest esse peccatum formale contra legem, nisi cùm legis obligatio reletur in conscientia.

## ARTICULUS II. Quotuplex sit conscientia?

### S U M M A R I A.

1. *Vulgaris divisio conscientie in 5. membra.*
2. *Conscientia certa, vera, erronea, probabilis duplex acceptio.*
3. *Aliter conscientia appellatur ex objecto, assensu, & iudicio praesupposito.*
4. *Conscientia ex objecto adaequata dividitur in bonam & malam.*
5. *Ex modo assentiendi in certam & opinativam.*
6. *Ex scipsa in veram & falsam.*
7. *Conscientia dubia non est formaliter conscientia.*
8. *Deposito dubio conscientia tantum potest esse extinsecus dubia.*
9. *Reductio conscientia timorata & scrupulosa.*

### §. I. Variae divisiones & acceptiones conscientie?

1. *Varia sunt divisiones conscientie. Communior est in quinque membra, in veram, quam etiam appellant rectam & certam, in erroneam, dubiam, probabilem seu opinativam, & scrupulosam. Cui addi potest divisio conscientia in bonam & malam. Vera conscientia est, quæ est conformis objecto & judicat esse licitum, quod est licitum. Erronea, quæ est disformis objecto, & judicat licitum, quod est illicitum, vel contraria. Dubia, quæ circa utramque partem contradictionis suspendit assensum, & si hoc ex nullius moti pro utraque parte apparentia, dicitur negativæ dubia; si ex aequalibus mediis & motivis positivis pro utraque parte, dicitur positivæ dubia. Probabilis seu opinativa est, quæ uni parti contradictionis adhæret, cum formidine tamen opposici. Scrupulosa est, quæ ex nullis vel ex levissimis fundamentis concipit formidinem peccati. Bona conscientia eadem & recta est, quæ prescribit honesta; mala est, quæ erronea prescribit, aut tolerat in honesta & illicita. Ad discriminandam hujus divisionis membra, & bonitatem discutiendam*
2. *Observandum est primò: conscientia certa, vera, erronea, probabilis significationem in duplice sensu accipi posse. Nam certa conscientia potest significare vel certitudinem ex parte objecti, & sic coincidit cum conscientia vera, & opponitur falsa; vel certitudinem ex parte assensus, & sic opponitur opinativa, quæ habet formidinem oppositi. Conscientia vera potest dici talis*

vel solū formaliter & practicè, vel materialiter & formaliter, speculativè & practicè simul. Vera erit formaliter & practicè tantum, quando habet iudicium conforme cum objecto practicè considerato, prout substat rationabilis opinioni & iudicio intellectus, licet objectum à parte realiter se habeat; ut si Sacerdos judicet penitentem absolvendum, quem rationabiliter judicat esse contritum, quamvis à parte rei non sit verè contritus. Erit etiam vera materialiter, & speculativè, si se conformis objecto, ut est à parte rei. Tandem conscientia duplici modo potest dici opinativa, probabilis, dubia, nempe propriè, & ex ipso conclusionis assensu, vel secundo imprroprie & iudicio praesupposito.

Primo modo conscientia opinativa, vel dubia, nunquam est sufficiens reguli operandi, ob incertitudinem assensus, & actuali vel radicali formidinem peccati. Secundò modò potest esse regula operandi, quia cum dubio & opinione speculativa ex parte iudicij praesuppositi, ita potest iudicium certum & fixum de honestate operationis, ut ex cursu patet.

Observandum est secundò: conscientia appetitrationem & divisionem accepi posse tripliciter: in primis ex objecto, deinde ex modo alieniendi objecto, tereti ex iudicio praesupposito, ex quo descenditur ad ipsam conclusionem conscientie. Si conscientia spectetur ex objecto, tunc alia est vera, alia falsa, alia bona, alia mala. Ex modo assentiendi & tendendi in objectum, alia est certa, quæ certum sine formidine praescribit assensum; alia dubia, quæ suspendit alia opinativa, quæ quidem etiam praescribit assensum, sed cum formidine oppositi. Ex iudicio speculativo praesupposito solet conscientia frequenter appellari affirmativa, vel probabilis, non quia ipsum ultimum iudicium conscientia sit mere opinativum habens formidinem oppositi, sed quia iudicium speculativum praesuppositum, in qua ultimum conscientia iudicium radicatur, est tantum probabile. His potius queritur, quæ nam divisiō conscientie sit adaequata?

### §. II.

*Affiguntur adaequata divisiones conscientie.*

Dicendum primò. Conscientia ex parte futuræ malis objecti, à quo specificatur, adaequatè dividit-

dividitur in bonam & malam. Nam conscientia regular & dirigit operationem humanam sub ratione bonitatis & malitiae moralis, qua proinde in operatione subjectata conscientiam extrinsecè specificat. Sicut ergo non datur medium inter operationem humanam bonam vel malam in individuo, prout aliunde suppono: ita non datur medium inter conscientiam bonam, de qua Apost. 1. ad Timoth. c. 5. & 19. & malam, quam apostolus etiam vocat *casteriatam*, & *iniquitatem*. ibid. c. 4. & 2. & ad Tit. 1. 15.

Dicendum secundò: Ex modo assentiendi, adquæ potest conscientia dividiri in certam & opinativam. Nam assensus ultimatus conscientie aut est cum formidine, aut sine formidine oppositi; [cùm enim hæc sint contradictoriæ opposita, inter illa non datur medium] si sine formidine, conscientia est certa (intellige ex modo assentiendi) si cum formidine, est opinativa.

Neque dicas: assensum posse esse dubium. Nam contra est. Vel intelligi per dubium suspensionem determinati judicii, uti propriè & rite loquendo debet intelligi, & tunc ne quidem est assensus, contra hypothesis. Vel intelligi assensum determinatum ad alteram partem contradictionis, cum formidine tamen oppositi & tunc abuteris voce dubit, illudque confundis cum assensu opinativo & probabili.

Dicendum tertio: Intrinsicè & adquæ conscientia dividitur in veram & falsam. Aut enim operatio est talis, qualis dictatur per consequiam, aut non est talis, nec datur medium: si est talis, conscientia est vera; si non, conscientia est falsa. Quod si conscientia vera rigorofius accipiat pro illa sola, qua est conformis operationi, tan formaliter quam materialiter spectata, tunc habet pro membro opposito omnem conscientiam seu vincibiliter seu invincibiliter erroneam. Si vero sic conformis operationi solum formaliter spectata, tunc conscientia invincibiliter erronea pertinebit ad conscientiam veram & rectam, istiusque oppositum erit solummodo conscientia vincibiliter erronea.

### §. III.

#### Corollaria.

Ex dictis infero primò: Conscientiam dubiam non esse propriè & formaliter, sed tantum

reductivè conscientiam, & ut Layman vocat, *umbram conscientie*: quia conscientia formaliter consilii, in pratico judicio, dictamine, regula operandi: atqui dubitans nihil concludit, nihil judicat, assentitur, dissentit, praecipit, sed haeret ambiguus: ergo dubitans, antequam deponat dubium, non format proprie & formaliter conscientiam. Reductivè tamen dici solet conscientia, quia saltē potest esse inchoatio discursus practici, ad aliquid illatūvum dictamen tendentis & consonans.

Infero secundò. Cùm conscientia ex depositione dubii vel formidinis transfi in certam, non amplius propriè & intrinsicè, sed tantum secundum quid & extrinsicè appellari dubiam, vel probabilem: non enim amplius hasitatio, vel formido se tenet ex parte ultimi assensu practice prædicti, quem supponimus esse certum, sed ex parte judicij præsuppositi, quod respectu istius ultimi tantummodo est speculativum, nec implet certitudinem, ut ex dicendis constabit.

Infero tertio. Conscientiam timoratam, suspiciosam, scrupulosam facile reduci posse ad dubiam, vel erroneam. Nam quatenus conscientia timorata & suspiciosa ex levibus fundamentis dubitat, utrum aliqua operatio sit licita, pertinet ad conscientiam dubiam, & siquidem deposita suspicione & dubio, remanente solum aliqua speculativa anxietate, operetur, erit conscientia intrinsicè certa: si autem vi istius fluctuationis ad nullum determinatum judicium procedat, erit intrinsicè & formaliter dubia: Rursus scrupulosa vel ex levissimis fundamentis falso judicat, aliquam operationem esse illicitam, sicutque est erronea; vel nihil judicat, sed tantum haesitat inter utrumque sicutque est conscientia dubia, eiisque superaddit accidentalem differentiam anxietatis. Unde patet, vulgarem illam conscientia divisionem in quinque membra, rigori Dialectico non esse admensam, nec ideo tamen rejiciendam, eò quod omnes modos circa formandum dictamen conscientiae comprehendantur, sicutque communis usus loquendi recepta.

## DISPUTATIO XI.

DE

### Conscientia recta & erronea.

Tramque in unam considerationem jungimus: nam & in obligatione conveniunt, & erronea, si ex invincibili errore procedat, est practice certa & recta, ac tandem oppositorum eadem est disciplina.



O 1

ARTI.